

اسلام گوردی

معارف : « دینی برصیات ، حیاتی بر دینہ » در .

پان ۱ - صانی ۱۰ ۲۴ رجب ۱۳۳۲ مدیری : حلیم ثابت
۵ حیران ۱۳۳۰

اسماء، بروالدهنك متحلی اولسی ایجاب ایدن بوتون تربیتلری جامع ایدی . تاریخ اسلام ده حماسه و ثباتکارانی ایله اشتهار ایدن (عبدالله بن زبیر) ، اومتانت خارقه نمایی والدهنك مهارت تربیتکارینه مدیوندر : حجاج ، ابن زبیری مکده محاصره ایتدیکی زمان مشار الیه ، نه یولده حرکت ایتک ایجاب ایده جکنه دائر والدهسی اسمانك رأینیه مراجعت ایتشدی . اختیار قاذین ، اوغلنه ذلت و حقارتله تسلیم اولمقدن ایسه عزم و شهامتله مقابله ایدرک ناموسکارانه اولکی توصیه ایتدی !.. ابن زبیر ، والدهنك توصیه سی وجهله حرکت ایدرک شرف و شهامتله اولدی . فقط ، تاریخ حماسه ایدی برنام قازاندی . حجاج قهرمان خصمنك جسدنی دار آخانه آصه رق اوزون مدت اوراده قالمه سنی امر ایتشدی . بدبخت اسماء بوکون سیاست میدانه کیده رک سوکیلی اولادینك جسد بردارینی اوزون مدت عمیق بر سکونتله تماشا ایتش ، کوزلرندن دوکولن قطران سرشکی کویستر مکسزین ، اوقور و کور بر سسله حجاجه خطاباً : (حالامی بو قهرمان یوکسله جک !..) تلخیه هم تأثرات قاییه سنی ، هم متانت نسویه سنی کویستر مش ، فضله اوله رق ده حجاجی تحقیر ایتشدی !..

تربیه اسلامیه نك بوتون صفوت و اصالتیه تطبیق ایدلیدی دورلرده ، عایشه کی ، اسماء کی ممتاز پك جوق تحدره لر یتشمشدر . بو خصوصده کی بدقیقاتلری مقالات آتیه به براقیورز .

ازمیر
م . شمس الدین

اخلاق

اخلاق و دین

اسلام عالمده شیمدی به قادر اخلاقه دائر اثر یازان ذوات اسکی هندو یونان نظریات اخلاقیه سنی اساس اتخاذ ایتملر در . اسلام علمانك اخلاق حقه کی دوشونجه لری همان همان هند و یونان نظرلرینك براستطاله شدن عبارتدر .

الذیاده شرعی و دینی کوردونهن بهشی اخلاق کتابلرند، ینه اسکی ویابانجی نظریه لرسه زیلیر. اخلاق عضده، اخلاق ناصری، حکمت اخلاق، لوامع الاشراق، تهذیب الاخلاق و تطهیر الاعراق، اخلاق علائی و سائره کبی مشهور و غیر مشهور اخلاق کتابلرینک همان هپسندده او معهود کهنه نظریاتدن یاقانی قورتان ماد یقلری کوردوور.

نجی اسلاملری اخلاق دوشونجه سی و اخلاق دویغوسی خصوصنده اوچ قسده آیرمقی لازمدر.

برنجی قسم یوقاریده سویاه دیکم وجهیه اخلاقی فلسفی و حکمی بر طرزده دوشونه نلرک فکری درکه یونان و هند افکار اخلاقیه سنک بر آرتبیدیل شکل و موضع ایتمسندن باشقه برشی ده کلدن. ابن رشدک، فارابینک، ابن سینانک، نصیرالدینک طوسینک ابن مسکویه لک، قاضی عضدالدینک دوشونجه لری هپ یوقیادندر. ایکنجی قسم: اخلاق و اخلاقیاتی داها باشقه و داها معنوی دوشونه نلر درکه یونلر ملکه اخلاقیه نلک کشفی و ریاضت، ذوق و تفکر سایه سند اصلاح و تمیه ایدیله بیله جکته قائل اولان صوفیه کرامدر؛ آز چوق منابع شرعی دن دساتیر اخلاقیه استخراج، همت ایدهن ذوات یوفرده ایچندن کورولمش ایسه ده فیثاغورث نظریاتندن قورتولاماشلردن.

اوچنجی فرقه ایسه عوام خلق ده نیلان اسلاملرک الک کشف قنمیدر که یونلر ده اخلاق نه عقلی و حکمی قانونلر، استاد ایدر؛ نه ده طریق کشف و ریاضتله تحصیل ایله ر.

عوام خلقک اخلاقی اکری، دوشور بیر طاقیم کورمه نه کلردن و بعضی تلقیناتدن عبارتندر. بوک بنا، عوام اسلامی نلک حدودا اخلاقیه سی - ثابت و شرعی برصورتده جیزمک قابل ده کلدن.

معلوم اولدینی اوزره احکام اسلامی به شلیجه اوچ قسده آیریلیر؛ اعمال، عقائد، اخلاق...

داها برنجی عصر هجریده اعماله تعلق ایدهن احکامله - یعنی فقه ایله - اوغراشیلماغه باشلامش، یوز بیکلرجه کتابلر یازیلش؛ میلیونلرجه مسائل وارده و غیر وارده حقه ده ققتر یورولمش فقط نتیجه اعتباریه - بک چوق خصوصلرده - اختلافات دورا دور ایله تضییع اوقات ایتمکدن باشقه برشی

یا بیله ماش و بر قچ مستتا و معلا سیاسندن صرف قنطرا به بوتون بزئیر فقهک
خلافیات بی سوری ایچنده بوجالامش دور مشلردر .

اسلاملرده فقه جیلوق اوقادار کونکله شمش در که بو کون بیله ممالک اسلامیه نیک
هر هانکی کوشه نه کیدیلسه فقهیدن باشقه برشی تدوین اولونمیدینی و فقهیدن
باشقه بر علمک وجودینه احتمال و اهمیت ویریلدیکی گورولور .

احکام اسلامیه نیک ایکنجی سی اولان عقاید، فقهیدن سوکرا تدوین ایدیش
وفقهیدن آیریشدور . علم کلام یونان و هند نظریات فلسفیه نیک اسلاملر
آراسته توسع ایتیمسی اوزرینه اساسات اسلامیه بی نظریات فلسفیه یه قارش مدافعه
ایتمک عشقه دو غمش بر علمدر . فقه کی بود اسلام علماسی آراسته توسع
ایتمشدر ؛ فقه قنطار اشتغال عمومی صیراسنه کچمه مش ایسه ده مرحله پک ده
گه ری قالمشدر . فقه مسلمانلری میخانیک بر عبادت ماکنه سی حاله گه تیردیکی
کی کلام ده اعتماد خصوصنده پک مادی و پک نظریاتیجی یایمشدر . حقایق
ایمانیه وجدانی وحشی اولماقندن چیقمش مناقشه وی بر در مسئله حالی آلمشدر .
بویوزدن یکر یکرینه مخالف بر جوق مذهب ظهور ایتش و هر مذهب اربابی
دیگر مذهبک سائلکری تکفیر و تقایل ایتش ، یکو وجود اولسی لازم گلهن
اسلاملرک آراسته دولدوروله سی غیر قابل مهالک اوچوروملر آچیلمشدر .
احکام شرعیه نیک اوچنجی سی اولان وجدانیات و اخلاقیات علمای اسلامیه
فقه و کلامه ویردیکلری اهمیت ویرمه مشلردر .

وائعا صوفیه نامی آتنده تشب ایدن طرقت مختلفه سائلکری پک بویوک
اهمیت عطف ایتمشلر سه ده بونلرده اسکی فلسفه اشراقیه دن ملهم اولمشلردر .
آیات و احادیث شریفه دن احکام فقهیه استخراج ایدمک جلدلر دولدوران
مسلمان علماسی اومبارک و فیضناک منبعلردن طبعی فقه دینی کی برده اخلاق
دینی استخراج و تدوین احتیاجی حس ایتمه مشلردر . آبدستک مکروهلری
بیله به الله یه بر مسلمان قواعد شرعیه اخلاقیه بی سیر جلیله محمدیه دن اوکر نمک
لزومنی گورمه مشلردر . آبدست آلیرکن صاغ الیه بورتی ته میزله دیکی ایچون
مضطرب اولان بر کیسه رشوت آلیرکن ؛ ئوکوزلرک اوچاغنه سو دوکرکن
وجدانی هیچ تحیان ایتمه مشدر . بوتون عبادات اسلامیه نیک نقطه توجهی
اخلاق اولدینی حظه اوچرا همان بو بوتون ده گیشمشدر ؛ بو احتیاجی حس

ایدهن (بن) امدن کلدیکی قادار - اومابع قدسیه دن استفاضه ایدرک - دینی
بردستور اخلاق وجوده گه تیرمک ایسته نورم ؛ ایله ری دوغری دوام ایده جکم .
توفیق اولو تا کریمدن . . .

قونییه دارالعالیمین مدیری

احمد نسیم

اسلام صوابی

تورکستان :

تورکستانه مدرسه لرجه روسجه - عموم تورکستان معارف مدیری (طاشکند)
شهرنده کی مدرسه لارک مدرسلرینه فیما بعد مدارس مذکورده علوم معلومه دن بشته
روسجه نك تدریس ایدلسی حقنده تحریرات کوندرمش ایدی . (ایشان قوی) ، (دادخواه)
(بکلریکی) مدرسلری مدرسلری روس لسانک تدریسه موافقت ایله کارندق ، فیما بعد
لسان مذکورک تدریسه مباشرت اولونمشدر . مذکور مدرسه لرده کی روس لسانی معلملری
معاشیه خزینه حکومتدن تخصیص ایدلشدر .

اتفاق مسلمین تجارت شرکتی - (طاشکند) تورکلری اغنیاستدن ناجی
خواجه ، محی الدین خواجه ، ایشان خان ، خواجه طورسون ، میر حمید ، میرزا کریم
بای اندیجان شهرنده « اتفاق مسلمین » نامنده بویوک برتجارت شرکتی تأسیس ایدوب
معامله رسمیه نی یاپدیرمشلردر . بو اسلام شرکتی لوازم زجاجیه ، ادوات حدیدیه ،
عطریات وسائر امتعه ایله اجرای تجارت ایده جکدر . مذکور شرکت ، تورکستان
اسلاملری ایچون بارلاق وشایان امثال بر نمونه اولسی نمی اولور . الله یاردیجیلی اولسون .

بخارایه اعمارات - بخارا امیری ، پای تحت جوارنده کی سازنقلری قورونقی
ایچون دوت یوز بیک روبله تخصیص ایله مشدر .

شمال :

اورنبورغده اسلام انات مطابقی - اورنبورغده تأسیس ایدیلان اتانه مخصوص
اوچ اسلام مکتبته روسجه درسلی قبول ایدیلهرک ، بو اوچ مکتب رسماً معارف
مفتلکته تصدیق ایدیرلشدر . فی الواقع روسجه نك درس اوله رق قبولیه انات مکتبلری
تصدیق رسمییه اقتران ایله مش ایده ده دیگر طرفدن روسجه معلملرینه معاش تخصیصندن
طولانی مکتبلرک بودجه موازنه سی غائب اولشدر . بناء علیه معلملر معاشسته معاونت
ایتمی ایچون شهر اداره نه مراجعت ایدیلشدر .

قرآنه طبعی مسئله سی - روسیه ده قرآن کریمک ، دائره شرعیه نك تحت